



# AYUNTAMIENTO DE PASTORIZA (Lugo)

---

## REGULAMENTO ESPECIAL DE HONORES E DISTINCIÓNS

### CAPÍTULO I

#### Obxecto

Artigo 1º.- O presente Regulamento ten por obxecto a regulación dos distintivos e nomeamentos honoríficos encamiñados a premia-los especiais merecementos, cualidades e circunstancias singulares que concorran nos/as galardoados/as, persoas físicas ou xurídicas.

Artigo 2º.- Tódalas distincións ás que fai referencia este Regulamento teñen carácter exclusivamente honorífico, sen que, polo tanto, outorguen ningún dereito administrativo, nin de carácter económico.

### CAPÍTULO II

#### Dos nomeamentos

Artigo 3º 1.- O Pleno da Corporación poderá conferi-los nomeamentos de:

- Fillo/a predilecto/a.
- Fillo/a adoptivo/a.
- Membro honorario/a da Corporación.

2.- Para que poida ser concedido o honor ou distinción de fillo/a predilecto/a do Concello da Pastoriza será condición indispensable que a persoa interesada nacera neste municipio. O de fillo/a adoptivo/a concederáse unicamente os/as naturais doutro municipio.

Artigo 4º.- Cos nomeamentos premiaranse méritos, cualidades e circunstancias singulares que concorren nos/as galardoados/as.

Artigo 5º.- Os nomeamentos dos membros honorarios da Corporación non outorgarán, en ningún caso, facultades para intervir no goberno ou administración da Corporación, pero o Alcalde titular ou o Concello poderán encomendarlles funcións representativas.

### CAPÍTULO III

#### Outras distincións honoríficas

... / ...



# AYUNTAMIENTO DE PASTORIZA (Lugo)

---

... / ...

Artigo 6º.- O Pleno da Corporación poderá distinguir unha vía pública, complexo urbano, ou instalación municipal co nome dunha persoa vinculada ó municipio, recoñecendo con iso especiais merecementos ou servizos extraordinarios.

## CAPÍTULO IV

### Do procedemento

Artigo 7º.- Os distintivos e nomeamentos outorgaranse despois dun expediente que se iniciará por Decreto da Alcaldía, ben por propia iniciativa ou a requerimento dunha terceira parte dos membros que integran a Corporación Municipal, ou respondendo a petición razoada.

No decreto de iniciación nomearase ó Xuíz instructor e ó Secretario encargados de tramitalo.

Artigo 8º.- O instructor do expediente ordenará a práctica de cantas probas e actuacións condúzan á precisión dos méritos do proposto, facendo consta-las dilixencias realizadas, tanto se favorecen como se perxudican a proposta inicial.

Artigo 9º.- Finalizadas as actuacións, para as que se fixa un prazo máximo de un mes, o instructor formulará proposta de resolución remitindo o expediente con todo o actuado ó Sr. Alcalde que someterá o expediente ó Pleno da Corporación que necesitará o voto favorable da maioría absoluta legal dos membros da Corporación, para a validez do acordo que adopte outorgando os dintintivos ou nomeamentos.

Artigo 10º.- O Concello crea un Libro de Honor de Distincións e Nomeamentos donde se irán inscribindo os outorgados.

Artigo 11º.- A concesión das distincións e nomeamentos serán entregados no salón de sesións do Concello ou no salón de actos do Centro Socio-Cultural, coa asistencia do Pleno da Corporación e aquelas autoridades e representantes que se estimen pertinentes, atendidas as circunstancias de cada caso.

Artigo 12º.- Previo expediente que se instruírá coas mesmas características que para o outorgamento de honor ou distinción, a Corporación poderá revocar o acto de concesión á persoa galardoada, se ésta modifica tan profundamente a conducta anterior que os seus actos posteriores o fagan indigno de figurar entre os galardoados.

## DISPOSICIÓN DERROGATORIA

Quedan derogados, calquera outro Regulamento de Honores e Distincións ou calquera outra disposición que regule a materia, e que puidesen existir neste Concello.

.... / ...



# AYUNTAMIENTO DE PASTORIZA (Lugo)

... / ...

## DISPOSICIÓN FINAL

O presente Regulamento que consta de doce artigos, unha disposición derogatoria e unha disposición final, entrará en vigor unha vez aprobado definitivamente polo Pleno do Concello e publicado o seu texto íntegramente no Boletín Oficial da Provincia, e teña transcurrido o prazo a que se refire o artigo 65.2 en relación co 70.2, ámbolos dous da Lei 7/85, do 2 de abril, Reguladora das Bases de Réxime Local, permanecendo en vigor ata a súa modificación ou derogación expresa.

## ANEXO I

### LENDA DO PERGAMINO PARA OS/AS FILLOS/AS PREDILECTOS/AS

O Concello da Pastoriza, interpretando o sentir xeral da veciñanza, concede a don/a ..., o merecido e honroso título de fillo/a predilecto/a do Concello de Pastoriza como público recoñecemento dos singulares méritos contraídos, laborando constantemente en pro dos intereses do pobo da súa natureza.

Pastoriza, ... de ... de ...

Pola Corporación:

O Alcalde,

Asdo.:

O Secretario,

Asdo.:

### LENDA DO PERGAMINO PARA FILLOS/AS ADOPTIVOS/AS

O Concello da Pastoriza desexando que quede constancia do seu eterno agradecemento, e interpretando o sentir unánime da súa veciñanza, hónrase concedendo a don/a ..., o digno título de fillo/a adoptivo/a do Concello da Pastoriza como público recoñecemento dos grandes méritos contraídos en pro dos intereses deste pobo.

Pastoriza, ... de ... de ...

Pola Corporación:

O Alcalde,

Asdo.:

O Secretario,

Asdo.:

### LENDA DO PERGAMINO PARA OS MEMBROS HONORARIOS DA CORPORACIÓN.

O Concello da Pastoriza concede a don/a ..., o merecido e honroso título de Membro Honorario da Corporación Municipal de Pastoriza, como público recoñecemento dos grandes méritos contraídos en pro dos intereses deste pobo.

Pastoriza, ... de ... de ...

Pola Corporación:

... / ...



# AYUNTAMIENTO DE PASTORIZA (Lugo)

---

... / ...

O Alcalde,  
Asdo.:

O Secretario,  
Asdo.:

Nos tres textos o Concello poderá personalizar os méritos contraídos modificando o texto da lenda que figura no anexo I.

Pastoriza, 6 de Abril de 2004.

O Alcalde, acctal.,



Asdo.: Arcadio López González.